

周郑交质隐公三年

左 传

郑武公、庄公、为平王卿士。

父子俱秉周政。

王贰于虢。

王病郑之专，欲分政于虢公。

郑伯怨王。

贰与怨，俱根心上来，伏下

信不由中。王曰、无之。

只用无之二字支吾，全是小儿畏扑光景。

故周郑交质。

至、○质、物相质当也。君权替、臣纪废、自此极矣。

王子狐为质于

郑、郑公子忽为质于周。

平王子名狐、郑公子名忽。○先言王出质、而后言郑出质者、明郑伯偁王立质毕、而后聊以公子塞责、是恶平王先与人质也。

王崩。周人

将畀虢公政。

畀、与也。将者、未决之辞。却为郑庄窥破。故王以三月崩、而祭足以四月寇、言其疾也。

四月、郑祭𣎵、足帅、师取温之

麦。秋、又取成周之禾。

温、周邑名。成周今洛阳县。○书温、又书成周者、四月犹温、秋则径入成周。写郑庄之恶、不唯无君、直是异样惨毒。

周郑交恶。如字、○叙事止此。下

皆左氏断辞。

君子曰、信不由中、质无益也。

一句喝倒交质之非。

明恕而行、要之以礼、虽

无有质、谁能间之。

明则不欺、恕则不忌、所谓由中之信也。言本明恕而行、又以礼文、彼此要结、虽不以子交质、谁能离间之也。

苟有明信、洵

溪沼沚之毛、

山夹水曰涧。水注川曰溪。方池曰沼。小渚曰沚。毛、草也。即下文所谓菜也。

蘋蘩蕰藻之菜、

蘋、大萍也。蘩、白蒿也。蕰藻、聚藻也。皆生于涧溪沼沚、可以为菜者。

筐筥、錡釜之器、

方曰筐、圆曰筥、皆竹器。有足曰錡、无足曰釜、皆鼎属。

潢汙行潦之水、

潢汙、停水也。行潦、流水也。

可荐于

鬼神、可羞于王公。

荐、祭也。羞、进也。○以上七句、言至薄之物、犹可借明信以为祭祀燕享。

而况君子结二国之信、行之以

礼、又焉烟、用质。

此通言凡结信者、不得用质、非专指周郑也。○上言要之以礼、此又言行之以礼、全是恶周郑交质之非礼也。

风有采蘩采蘋、雅有行

苇洞迴、酌、

采蘩、采蘋、国风二篇名。义取于不嫌薄物。行苇、洞酌、大雅二篇名。行苇篇、义明忠厚。洞酌篇、义取虽行潦可以供祭。

昭忠信也。

此四诗者、明有忠信之行、虽薄物皆可用也。○引诗作结。以蘩

蘋苇酌等字、与涧溪沼沚十六字相映照。而仍以忠信字关应信不由中、风韵悠然。

通篇以信礼二字作眼。平王欲退郑伯而不能退、欲进虢公而不敢进、乃用虚词欺饰、致行敌国质子之事、是不能处己以信、而馭下以礼矣。郑庄之不臣、平王致之也。曰周郑、曰交质、曰二国、寓讥刺于不言之中矣。